



ԹԵՄԱԿԱՆ ԿՅԱՆՔ

ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ ԱՐԱՐԱՏՅԱՆ ՀԱՅՐԱՊԵՏԱԿԱՆ ԹԵՄՈՒՄ

Սույն թվականի դեկտեմբերի 5-ին, կիրակի օրը, Երևանի Ս. Սարգիս առաջնորդանիստ եկեղեցում Արարատյան թեմի առաջնորդական փոխանորդ Տ. Արսեն եպիսկոպոս Բերբերյանը ս. պատարագ մատուցեց և քահանայական ձեռնադրություն կատարեց ի պայծառություն Հայ Առաքելական Եկեղեցու և ի միախորություն հայ հավատացյալ ժողովրդի: Արարատյան թեմի շրջանների եկեղեցիների համար քահանա ձեռնադրվեցին Պետրոս սարկավազ Քեսաբյանը, Մեսրոպ սարկավազ Ալոյանը և Հովսեփ սարկավազ Հարությունյանը՝ վերանվանվելով համապատասխանաբար Տեր Մամբրե, Տեր Մեսրոպ և Տեր Մաղաքիա քահանա: Խարտավիլակն էր Տ. Գարեգին վարդապետ Ներսիսյանը:

Ս. պատարագին և ձեռնադրության արարողությանը ներկա էին Արարատյան թեմի թեմական և եկեղեցական խորհրդի անդամներ և հոգևորականներ այլ եկեղեցիներից:

Ձեռնադրությունից և հանդիսավոր օծումից հետո Տ. Արսեն եպիսկոպոսը նորընծա քահանա հայրերի ապագա կյանքին և հոգևոր ծառայությանը նվիրված մի խրատական խոսեց:

Ձեռնադրության և օծման սրբազան արարողությանը երկյուղածությամբ և հոգեկան խոր ապրումներով հետևում էին բազմաթիվ հավատացյալներ, որոնք պատարագի ավարտին, մոտենալով նորած քահանաներին, իրենց շնորհավորանքներն ու բարեմաղթություններն էին ուղղում նրանց:

Դեկտեմբերի 6-ին, երկուշաբթի օրը, նորընծա քահանա հայրերը Վեհարանում ներկայացան Ամենայն Հայոց Հայրապետին և ստացան նրա օրհնությունը: Նորին Սրբությունը, շնորհավորելով նրանց, Իր ուրախությամբ հայտնեց և տվեց հայրական Իր թելադրությունները՝ մաղթելով, որ նրանք լինեն հավատարիմ և ավինիլ ծառայողները մեր Մայր Եկեղեցու և հավատացյալ ժողովրդի:

Նորընծա քահանա հայրերը իրենց քառասնօրյա առանձնացման և պատրաստության շրջանը անց են կացնելու Մայր Աթոռում և ապա սկսելու են իրենց հոգևոր ծառայությունը նախատեսված վայրերում:

Տ. Մամբրե քահանա Քեսաբյան. ծնվել է 1953 թվականի սեպտեմբերի 3-ին Էջմիածնի շրջանի Մոսալեռ ավանում: Նախնական և միջնակարգ կրթությունն ստացել է Էջմիածին քաղաքի Միկոյանի անվան № 1 դպրոցում: 1968 թ. ընդունվել է հոգևոր ձեմարան և սովորել մինչև 1971 թվականը:

1980 թ. վերադարձել է հոգևոր ճեմարան և շարունակել իր ուսումը քահանայից լսարանում: 1981 թ. դեկտեմբերի 26-ին ձեռնադրվել է սարկավագ Բջնիի Ս. Աստվածածին եկեղեցում:

սարանում, որի երկամյա ջրջանն ավարտել է 1981 թվականին հաջողությամբ: Նույն տարին նշանակվել է հոգևոր ծառայության Արարատյան թեմում և դեկտեմբերի 26-ին ձեռնադրվել սարկավագ:



Մի պահ ձեռնադրությունից

Տ. Մեսրոպ քահանա Ալոյան. ծնվել է 1955 թվականի օգոստոսի 20-ին Էջմիածնի ջրջանի Այգեջատ գյուղում: 1970 թվականին, ութամյա կրթություն ստանալուց հետո, ընդունվել է հոգևոր ճեմարան և սովորել մինչև 1973 թվականը: 1979 թվականին վերադառնալով հոգևոր ճեմարան՝ երկու տարի հետևել է քահանայական լսարանի դասընթացներին: 1981 թ. ձեռնադրվել է սարկավագ և ծառայել Երևանի Ս. Գևորգ եկեղեցում:

Տ. Մաղաքիա քահանա Հարությունյան. ծնվել է 1949 թվականի հոկտեմբերի 18-ին Աշտարակի ջրջանի Ուշան գյուղում: Միջնակարգ կրթությունն ստացել է Էջմիածնի № 1 միջնակարգ դպրոցում, որն ավարտել է 1967 թվականին: 1979 թվականին ընդունվել է հոգևոր ճեմարան և սովորել քահանայից ԼՍ-

«Էջմիածին» ամսագրի խմբագրությունը ջերմորեն ջնորհավորում է նորապսակ Տ. Մամբրե, Տ. Մեսրոպ և Տ. Մաղաքիա քահանա հայրերին՝ մաղթելով, որ նրանք իննեն «քաջ հովիվներ» մեր Մայր Եկեղեցու և իրենց ուժերն ու կարողությունները ի սպաս դնեն մեր հավատացյալ ժողովրդի կրոնական, ազգային և հայրենասիրական ծառայության նվիրական գործին՝ ի պայծառություն Հայաստանյայց Առաքելական Սուրբ Եկեղեցու:

ՌՈՒՄԻՆԱԿԱՅ ԹԵՄՈՒՄ

Սույն թվականի նոյեմբերի 7-ին, Գաբրիել և Միքայել հրեշտակապետաց տոնի առթիվ, Բուխարեստի հայոց եկեղեցում հանդիսավոր

սուրբ պատարագ է մատուցել Ռումինիայի և Բուլղարիայի հայոց թեմի առաջնորդ Ս. Տիրայր արքեպիսկոպոս Մարտիրոսյանը: Պատարագի արարողությանը ներկա են եղել բազմաթիվ հայ հավատացյալներ և օտար հյուրեր:

Հավարտ սուրբ պատարագի Ս. Տիրայր արքեպիսկոպոսի նախագահությամբ կատարվել է հատուկ հոգեհանգստյան պաշտոն՝ նվիրված Ռումինիայի հանգուցյալ առաջնորդ Ս. Հուսիկ արքեպիսկոպոս Չոհրաբյանի մահվան 40-րդ տարելիցին:

Պատարագից սրբական հայրը հուպիչ խոսքերով ոգեկոչել է պայծառ հիշատակը ռումինահայ թեմի նախկին առաջնորդի՝ սեղմ գծերի մեջ ներկայացնելով նրա կյանքն ու եկեղեցանվեր գործունեությունը և ընդգծելով այն կարևոր նպաստը, որ հանգուցյալ առաջնորդը բերել է ռումինահայ գաղութին համաշխարհային երկրորդ պատերազմի դժվարին տարիներին:

Այս առթիվ Ս. Չարեն ծայրագույն վարդապետ Պարոնյանը եկեղեցում, ի ներկայության հավատացյալ ժողովրդի, ընթերցել է Ամենայն Հայոց կաթողիկոս Ս. Ս. Վազգեն Ա-ի 29 հոկտեմբեր 1982 թվակիր հետևյալ հեռագիրը՝ ուղղված Ս. Տիրայր արքեպիսկոպոս Մարտիրոսյանին.

«Խոր գոհունակությամբ տեղեկացանք Ձեր հեռագրեն, թե Սուրբ Հրեշտակապետաց ձեր եկեղեցվի մեջ նոյեմբերի 7-ին հանդիսավոր պատարագով և հոգեհանգստյան պաշտոնով պիտի աղոթեք Ռումանիո լուսաբնակ առաջնորդ Ս. Հուսիկ արքեպիսկոպոսի մահվան տարեդարձին առթիվ:

Հուսիկ արքեպիսկոպոս, հավատավոր և ուխտապահ բարձրաստիճան հոգևորական, մոտ քսան տարիներ արժանավորապես ղեկավարած է ռումանահայ թեմը ի հոգևոր մխիթարություն հավատացյալ ժողովրդյան, վայելելով նաև հարգանքը ռումեն պետական և կրոնական իշխանությունց:

Անձնապես ճանչցած ըլլալով Հուսիկ սրբազանը, միշտ գնահատած ենք իր նվիրումը Սուրբ Էջմիածնին, որու հարապատ գավակն էր մնացեր մինչև իր կյանքին վերջը՝ միշտ նախանձախնդիր Հայ Առաքելական Եկեղեցվի հեղինակության անարատ պահպանման և պանծացման:

Սուրբ Էջմիածենն Աստուծո օրհնությունը Հուսիկ արքեպիսկոպոս Չոհրաբյանի հիշատակին:

Լո՛ւյս և խաղաղություն՝ իր արդար հոգվուն:

Կիրակի, 7 նոյեմբերին ս. պատարագ և հոգեհանգիստ Մայր տաճարի մեջ Մեր նախագահությամբ:

Չերդ Սրբապնության, հոգևոր դասուղ և համայն հավատացյալ Մեր գավակներուն սիրո ողջույն և հայրապետական օրհնություն»:

Ս. պատարագից հետո առաջնորդարանի սրահում հանգուցյալ առաջնորդի հիշատակին տրվել է սիրո ճաշ, որին ներկա են եղել եկեղեցու հոգևոր հայրեր, թեմական խորհրդի պատվարժան անդամներ և բազմաթիվ հյուրեր:

Հուսիկ արքեպիսկոպոս Չոհրաբյանը ծնվել է 1874 թվականին Մեծ Սալայում: 1896 թվականին ավարտելով Ս. Էջմիածնի Գևորգյան ճեմարանը, մեկնում է Գերմանիա՝ շա-



րունակելու իր ուսումը: Այստեղ՝ Բեռլինի, Հելցի, Լայպցիգի համալսարաններում նա հետևում է բարձրագույն ուսմանը դասընթացներին և ավարտում համալսարանական իր կրթությունը պատմական և փիլիսոփայական գիտությունների գծով: 1916 թվականին հեռակա կարգով ավարտում է նաև Մոսկվայի համալսարանի իրավագիտության ֆակուլտետը:

1905—1912 թվականներին, որպես դա-

սախոս, նա դասավանդել է Գևորգյան ճեմարանում:

1918—1920 թվականներին եղել է Նախիջևանի թեմի առաջնորդ և միաժամանակ վարել տեղի թեմական դպրոցի տեսչի պաշտոնը:

1920 թվականին Հուսիկ արքեպիսկոպոսը նշանակվում է ռումինահայ թեմի առաջնորդ, և այդ պաշտոնը նա ձեռնհասորեն և մեծ նվիրումով վարում է մինչև իր մահը՝ 1942 թվականը:

Իր եկեղեցական և վարչական աշխատանքներին կոզընթաց Հուսիկ արքեպիսկոպոսը պահպանել է նաև մտավորական աշխատանքով: Նա կանոնավոր կերպով աշխատակցել է ռումինահայ մամուլին: 1934 թվականին ավարտել և հրատարակության է տվել իր գլխավոր աշխատությունը՝ «Հայ եկեղեցու պատմությունը քրիստոնեության մուտքից մինչև մեր օրերը» վերնագրով: Այս աշխատությունը թարգմանվել է նաև ռումիներեն լեզվով:

Հուսիկ արքեպիսկոպոսը վախճանվել է Բուխարեստում: Նրա աճյունը ամփոփված է Բուխարեստի հայոց գերեզմանատան մատնան մեջ:

Հուսիկ արքեպիսկոպոսի դասընկերներն ու հոգևոր եղբայրներն են եղել Ամենայն Հայոց հանգուցյալ կաթողիկոսներ խորեն Ա Մուրադբեկյանը, Գևորգ Զ Զորեքչյանը և Տանն Կիլիկիո կաթողիկոս Գարեգին Ա Հովսեփյանը:

ԲՈՒԼՂԱՐԱՀԱՅ ԹԵՄՈՒՄ

1982 թվականի նոյեմբերի 9-ին Ռումինիայի և Բուլղարիայի հայոց թեմի առաջնորդ Ս. Տիրայր արքեպիսկոպոս Մարտիկյանը հովվական այցելությամբ Բուխարեստից մեկնել է Սոֆիա:

Նոյեմբերի 14-ին, կիրակի օրը, Սոֆիայի հայոց հոգևոր հովիվ Ս. Մեսրոպ ավագ քահանա Պենյանը տեղի հայոց եկեղեցում մատուցել է ս. պատարագ, որին ներկա է եղել Ս. Տիրայր արքեպիսկոպոսը: Պատարագի ընթացքում, ի լուր հավատացյալ ժողովրդի,

ընթերցվել է Ամենայն Հայոց Հայրապետի սրբատառ կոնդակը՝ ուղղված բուլղարահայ թեմի թեմական խորհրդի անդամ, Սոֆիայի հայոց եկեղեցական վարչության բազմամյա ատենապետ Օնիկ Բյուրդյանին՝ նրա ծննդյան 80-ամյակի առթիվ:

Կոնդակի ընթերցումից հետո առաջնորդ սրբապանը արտասանել է հոգեշունչ մի քարոզ: Իր քարոզի վերջում, արտահայտվելով օրվա հոբելյարի անձի մասին, նա գնահատանքով նշել է Հայ Առաքելական եկեղեցուն և բուլղարահայ համայնքին նրա մատուցած երկարամյա անձնվեր ծառայությունը՝ բարեմաղթելով նրան քաջառողջություն և արդյունավետ աշխատանքի երկար տարիներ:

Հավարտ ս. պատարագի Սոֆիայի «Բալկան» հյուրանոցի սրահում, ի պատիվ հոբելյարի, տրվել է պաշտոնական ճաշկերույթ, որին ներկա են եղել առաջնորդ սրբապան հայրը, քահանա հայրեր, թեմական խորհրդի և եկեղեցական վարչության անդամներ, ինչպես նաև գավառներից ժամանած եկեղեցական վարչությանց ներկայացուցիչներ:

Ճաշկերույթի ընթացքում բաժակաճառեր են արտասանվել և մաղթանքներ արվել Մայր Աթոռ Ս. Էջմիածնի անսասանության, Հայոց Հայրապետի քաջառողջության ու արևշատության և մայր հայրենիքի հարաճուն բարգավաճման համար:

*
* *

Նոյեմբերի 11-ին, կարճատև հիվանդությունից հետո, վախճանվել է Սոֆիայի հայոց եկեղեցու բարերարուհի, բուլղարահայ համայնքի սիրված և հարգված անդամներից օրիորդ Թագուհի Գրիգորյանը: Հուղարկավորության և թաղման արարողությանը նախագահել է առաջնորդ սրբապանը և արտասանել մի դամբանական հանգուցյալ բարերարուհու հիշատակին՝ աղոթելով նրա բարի հոգու խաղաղության համար:

Նոյեմբերի 19-ին Ս. Տիրայր արքեպիսկոպոսը օդային ճանապարհով վերադարձել է Բուխարեստ՝ իր աթոռանիստը:

